

DEO OPTIMO MAX.
UNI ET TRINO,

VIRGINI DEIPARÆ, ET S. LUCÆ
Orthodoxorum Medicorum Patrono.

QUÆSTIO MEDICA,

CARDINALITIIS DISPUTATIONIBUS
*manè discutienda in Scholis Medicorum, die Jovis
octavà Martii 1725.*

M. ARMANDO-JOSEPHO COLLOT, Doctore
Medico, Præsidente.

An ut in Americâ, sic in hac regione Apalachines potus salubris?

I.

QUAM multiplex sit potulentorum genus, innumeræ plantarum species indicant: Diverso ex his partium delectu variantur. Illæ ex radicibus, hæc è foliis parantur; nonnulla ex inciso caudice fluunt. Ista floribus, fructibus alia, alia seminibus, quædam ex integrâ ipsamet herbâ conficiuntur. Ipse etiam parandi modus potuum varietatem augeat: aquam ferventem colore & sapore suo folia & flores faciliè imbuunt; coctione solâ, sapidas partes radices emittunt; cedit expressioni fructuum liquor; semina nisi contusa & humore irrorata lac, aut spiritus ardentes fermentatione præbere negant; nec herbæ totius nisi maceratione succum educes. Ratione tamen tam variâ parati potus simplicitatem non amittunt; quid si infusa succis, decocta liquoribus, destillata expressis permisceas? Quid si mixta melle aut saccharo condias, vel conditis aromatatum suavitatem addideris? inde quot regionum tot ferè potulentorum species, ita ut suâ quæque gaudeat, sua cuique sufficiat, eaque ab integris jam sæculis aletur, reficiatur ac recreetur. Unicus tamen fuit in hac sibi eligendâ, unus in retinendâ finis salubritas.

FUNCTIONES animales perficit mutus solidarum partium cum liquidis consensus; in eo posita est cujuslibet gentis de sanitate opinio. Hunc diversè pro cœli sui temperie, pro variâ alimentorum naturâ consequitur. Eadem in potulentorum usu ratio, cui opibus indigenis, sapiens providit natura: Aduſtis ſole populis ſitim acidulorum fructuum ſuccis ſedare dedit; in ſeptentrionalibus plagis, ſpirituosis ex Lupuli, Hordei, Mellis, Juniperi, Prunorum, Ceraſorum, Vacciniorumque fermentatione extractis uti; temperatis climatibus, Uvarum, Pomorum, Pyrorumque liquorem conceſſit. Ad familiarem potulentorum quæ fermentatione concinnavit uſum, acceſſit potus alius & alter è plantis ſpontè naſcentibus ſolâ infuſione paratus: Adeo increvit ſanitatis deſiderium! Inſpiſſatum virâ deſide ſanguinem ex calido Theæ ſux potu Sina diluit; diſſolutum levi Oryzæ decocto Malabarus increaſſat; viſcerum obſtructionibus à ſpiritu ardenti Arac (a) dicto, Indis communi; *Acmella* ſeu Bidente Zeilanico (b) Javani occurrunt; Ex Caffè languidas vires Arabs reparat; habet ſuum *Cacao* Indus quo facilem chylum augeat; *Paraguay* ſuo alvum molliter ciet Peruvianus: Mexicani Ambroſiâ, Antillani noſtri *Caprariâ* (c) ſub Theæ ſpecie aëris vitiorum impreſſionem corrigunt: Veronicæ inuſo Germani ſtomachum, Galli ſalviâ cerebrum, Canadenſes noſtri Adianto ſuo pectus roborant. Quidni à vicinis, quidni à remotioribus una eademque regio potus ſuos mutuetur? Quidni ex iſtis omnium ſalubritatem ſigillatim pro oportunitate eligendam exquirat? Rem præſtitit apertum ubique terrarum & latè commercium, uſuſque reciproci efficacia probavit experientia.

(a) Uraqua Jacobi Bontii de Medicinâ Indorum. Lib. 2. cap. 4.

(b) Joannis Philippi Breynii, Diſſert. 1700.

(c) Capraria Corallivica Cavritta Luſitanorum, Par. Bar. Gratiolæ affinis fruteſcens Americana ſoliis Agetati, ſeu Veronicæ erectæ majoris Breynii. Prod. ſecundi & Hort. Amſt. Part. prima fol. 79.

III.

QUANTA longiorum itinerum duci auti ſacræ fami non debet Botanicè! Quantum ex familiari cum populis alio ſub ſole poſitis convictu hygiene, non locupletata eſt! Tot varias inter potuum ſpecies ſalubrem unam imprimis ſuppeditat Florida, tellus vaſti fluminis *Miſſiſſipi*, (d) nomine aliàs cognita, *Loioicao* (e) nunc inſignita ob miſſas à Ludovico Magno colonias (f); apud *Apalaches* regionis hujuſce gentem paſſim in ſylvis naſcitur noſtræ Amygdali facie arbor, ſemper virens, apud indigenas *Caffine*, (g) *Apalachine* apud Gallos, *Alaternoidis* (h) Ala-

(d) Flumen illud detectum fuit à D. de la Salle ann. 1678.

(e) *La Louiſiane*

(f) Coloniz miſſæ ſunt ann. 1683, & 1699.

(g) Caſſina herba è cujus ſucco potionem conficiunt in Floridâ. C. B. Pin. 170.

(h) *Alaternoides* Africana Lauri ſetæz folio. Commelini, Præſud. Bot. pag. 61.

terni (a) & Evonymi (b) inter Botanicos recentiores nomina audit. Caulicis cortici ut & ramis cinereus inest color; ramulis fragilibus atro purpurascens. Vestuntur hi foliis ferè ovatis, oblongis, uncialibus & biuncialibus, carnosis, ramo pediculo purpurascente lineis tribus longo alternatim insitis, ad oras serratis ac leviter dentatis (supernè atro virentibus, infernè cinereis, ac nervo dilutiorè & crassiorè distinctis: his sapor statim herbaceus subinde acidulus ac amarus, qui deinceps in dulcem ac gratum abit. Exiguo flore gaudet rosaceo, pentapétalo & è flavo virenti: Huic succedit parvus fructus ex tribus capsulis unico semine donatis compositus. Renati Laudonerii (c) Galli secundæ expeditionis anno 1564. in Floridam ducis relatu, nobis innotuit hæc arbor, in Horto Regio excolta, frigoris impatiens nec florem, nec fructum edidit, nec arbuti altitudinem superavit. Barbari foliis in vas fistile candens injectis exsiccatisque aquam infundunt: Infusionem quam *Cassinam* vocant sorbent; sorbitionem iterum atque iterum singulis diebus repetunt: Consuetudineque de usu & virtute exploratoribus antiquis & recentioribus, incolumes se præstant; nec podagrâ, nec calculo ac nephritide attinguntur; Hispani vires porcis experti (d) familiarem hunc sibi reddidè; similem efficaciam coloni nostri comprobant.

(a) Alaternus Hylicanensis seu Africana, lauri serratæ odoratæ stapeliæ foliis Hort. Beaumont & Plux. Phytog. Tab. 126. Cassine floridanorum arbuscula baccifera Alaterni ferè facie, foliis alternatim sitis, tetrapylene, Plux. Mantif.

(b) Evonymo affinis Æthiopica semper virens fructu globoso scabro, foliis salicis rigidis serratis, Hort. L. Bat.

(c) Vide Joannis de Laët Americæ utriusque Descriptionis, pag. 209.

(d) Referente Franc. Ximenes.

I V.

A PALACHINES præparationem docet, frequens apud nos salviæ Veronica, Adianti Canadensis ac Theæ foliorum usus. Strictior ejus textura fervidiorem lympham & longiorem in infundendo moram postulat, infusi efficaciam discite, ex foliorum siccorum sapore amaro ac dulci: Ferventibus aqueis partibus penetrantur; harum ope amaro volatiles particule cellulas suas deserunt; viscosæ ac dulces extrahuntur, aqueis partibus miscentur; extracti copiam infusi color indicat: calidius epotum amaro volatilibus particulis spiritus animales illicò recreat, cerebrum statim subit, dulcore levem amaritiam subsequente, lenitur oris halitus, stomachus levatur, crudæ indigestæque carniū reliquiæ emolliuntur, viscosæ inciduntur, aperiuntur absque turbâ vasorum lacteorum ostia, cietur molliter & quandoque alvus, diluitur sanguis, solvitur lymphæ, intricantur salia acria, cedunt meatuum urinariorum obices, omnifque exitiosa calculorum saburra leniter excernitur. Quid plura? laboranti vesicæ occurrit, nephritin arcet, renibus exulceratis medetur, hydropem juvat, languidosque ac cachecticos reficit, hæc Apalaches ex hoc potu, similia Galli experiuntur.

QUIS rerum novarum osor, tam salubris potûs usum impugnet? Quid objiciat? Barbarorum vescendi morem à nostro alienum? sylvestrium carniû aut fumo exsiccatarum, vel malè coctarum escam stomacho noxiam? Num potius nocentior victus nostri ratio? Annon concoctu difficiliora sunt alimenta sale, pipere, aromatisque calidioribus condita, aut aceto indurata? Facilem ille Gallum dicet qui tanto potentiorum externorum numero quo jam tota scatet Gallia, novum addat; cùm jam in Thea, Paraguay & Canadensis Adianti infusis parem ferè sentiat effectum; cùm suamet tellus plantas istis virtute congeneres edat; ipsa Gale (a) Apalachini succedanea propinari possit; at quanto & saporis, quanto & odotis discrimine palatum afficiunt! Quàm diversè operantur! sudorem Thea, urinamque simul paulò acriùs, hanc Apalachine alvumque sæpe sæpius ac lenius promovet: Ex Adianti potu faucium quædam siccitas, ab Apalachine oris mador: Ab eà suavior halitus, ingrator à Gale potu: Sola Paraguay eam æmulatur, utraque quin sit eadem vix dubites? Nisi quæ contusa mittuntur folia, in integrum exhibita diversum esse arboris genus probent. Nevè quis Lodoicæos Cassinæ suam voluptatis mage quam salubritatis ergo forbere opponat! Ita sit; an non gratus cum suavitate potu satiari, cujus quantitate non læditur cerebrum; animus exhilaratur, qui singulis convenit, qui à sopore senes excitat, qui adultis famem sitimque sedando vegetiores eos, ad laboremque alacriores reddit, qui pueris voracibus alvum urinasque cientes opitulatur, & singulari suâ redundantis feri copiam evacuandi virtute mulieribus prodest? cùm porro quæ alunt in Indiis plantæ, quæ in Oriente purgant, & quæ in Americâ febres pellunt, iisdem nostrâ in regione polent viribus, quidni & Apalachine?

(a) Gale frutex odoratus septentrionalium. J. B. 1. Part. 2. 227. Rhus Myrtifolia Belgica C. B. Pin 414. & All. Acad. R. sc. 63. ann. 1706. *Timent Royal.*

Ergo ut in Americâ, sic in hac regione Apalachines potus salubris.

Proponebat Parisiis, BERNARDUS DE JUSSIEU,
Lugdunæus, Baccalaureus Medicus, & in Horto Regio Botanices Prodemonstrator A. R. S. H. M. DCC. XXV.